

1. Predstavnički dom prihvata 73 izvještaja finansijske revizije institucija BiH za 2016. godinu od čega:
 - a) 63 izvještaja finansijske revizije institucija BiH čije je finansijsko poslovanje ocijenjeno revizorskim „pozitivnim mišljenjem“ i „pozitivnim mišljenjem sa isticanjem predmeta“ (po osnovu mišljenja revizora o finansijskim izvještajima i po osnovu mišljenja revizora o usklađenosti)¹ - Prilog 1. Zbirnog mišljenja.
 - b) 10 izvještaja finansijske revizije institucija BiH čije je finansijsko poslovanje ocijenjeno revizorskim „mišljenjem s rezervom sa skretanje pažnje“ (po osnovu mišljenja revizora o finansijskim izvještajima i po osnovu mišljenja revizora o usklađenosti²) - Prilog 2. Zbirnog mišljenja.
2. Predstavnički dom obavezuje rukovodstvo 40 institucija BiH, čije je finansijsko poslovanje u 2016. godini ocijenjeno revizorskim „pozitivnim mišljenjem sa skretanjem pažnje“ (obuhvatajući skretanja pažnje uz pozitivna mišljenja revizora o finansijskim izvještajima i/ili uz pozitivna mišljenja revizora o usklađenosti) na preduzimanje svih potrebnih mjera iz nadležnosti svake institucije posebno, kako bi se izbjegle daljnje posljedice pojava na koje je revizija skrenula pažnju pri isticanju predmeta u „pozitivnom mišljenju“, a posebno da materijalnost takvih nalaza revizije eventualno ne preraste u buduće kvalifikacije u narednom izvještaju revizije.
3. Predstavnički dom Parlamentarne skupštine BiH traži od Vijeća ministara BiH da posveti posebnu pažnju preporukama sistemskog karaktera objavljenim u izvještaju broj: 01/02/03-04-16-1-798/17, pod nazivom Godišnji revizorski izvještaj o glavnim nalazima i preporukama za 2016. godinu, te da promptno poduzme sljedeće:
 - 3.1. Predstavnički dom Parlamentarne skupštine BiH traži od Vijeća ministara BiH da u roku od 30 dana izvijeste Komisiju za finansije i budžet Predstavničkog doma PSBiH o planiranim aktivnostima na realizaciji preporuka iz izvještaja, a u roku od šest mjeseci o preduzetim aktivnostima na realizaciji preporuka, te da o preduzetim aktivnostima upozna i Ured za reviziju institucija BiH.
 - 3.2. Potrebno je da Vijeće ministara BiH informaciju o preduzetim aktivnostima dostavi u tabelarnom prikazu iz **Priloga 2. ovih Zaključaka**.
 - 3.3. Predstavnički dom Parlamentarne skupštine BiH traži od Vijeća ministara BiH da u svoj Godišnji program rada za 2018. godinu uvrsti preporuke revizije iz Godišnjeg revizorskog izvještaja o glavnim nalazima i preporukama za 2016. godinu, s ciljem određivanja dvije grupe prioriteta: aktivnosti koje je moguće provesti tokom 2018. godine i aktivnosti koje je moguće pokrenuti tokom 2018. godine, te njihovog definiranja kao planskih aktivnosti unutar Godišnjeg programa rada za 2018. godinu.
4. Predstavnički dom Parlamentarne skupštine BiH traži od Vijeća ministara BiH da najkasnije do kraja 2017. razmotri izvještaje finansijske revizije za 2016. godinu od

¹ Obuhvatajući pozitivna mišljenja revizora o finansijskim izvještajima i/ili pozitivna mišljenja revizora o usklađenosti, uključujući i skretanje pažnje u pozitivnim mišljenjima o finansijskim izvještajima i/ili skretanje pažnje u pozitivnim mišljenjima o usklađenosti.

² Radi se o mišljenjima s rezervom o finansijskim izvještajima sa skretanjem pažnje uz mišljenja o finansijskim izvještajima i skretanjem pažnje uz mišljenja o usklađenosti - 2 izvještaja; i mišljenjima s rezervom o usklađenosti sa skretanjem pažnje uz mišljenja o usklađenosti i/ili uz mišljenja o finansijskim izvještajima - 8 izvještaja.

Ministarstva odbrane BiH, Ministarstva vanjskih poslova BiH, Granične policije BiH, Direkcije za koordinaciju policijskih tijela BiH, Ministarstva sigurnosti BiH, Uprave za indirektno oporezivanje BiH, Državne agencije za istrage i zaštitu BiH, Agencije za identifikacione dokumente, evidenciju i razmjenu podataka BiH, Visokog sudskog i tužilačkog vijeća BiH i Tužilaštva BiH, te da uspostavi odgovarajući nadzor nad realizacijom ovih zaključaka.

5. Predstavnički dom Parlamentarne skupštine BiH traži od Ministarstva odbrane BiH, Ministarstva vanjskih poslova BiH, Granične policije BiH, Direkcije za koordinaciju policijskih tijela BiH, Ministarstva sigurnosti BiH, Uprave za indirektno oporezivanje BiH, Državne agencije za istrage i zaštitu BiH, Agencije za identifikacione dokumente, evidenciju i razmjenu podataka BiH, Visokog sudskog i tužilačkog vijeća BiH i Tužilaštva BiH, da svaka institucija zasebno posveti posebnu pažnju daljnjem jačanju svog sistema internih kontrola sa ciljem povećanja efikasnosti finansijskog poslovanja i pouzdanosti finansijskih izvještaja.
6. Predstavnički dom Parlamentarne skupštine BiH traži od Ministarstva odbrane BiH, Ministarstva vanjskih poslova BiH, Granične policije BiH, Direkcije za koordinaciju policijskih tijela BiH, Ministarstva sigurnosti BiH, Uprave za indirektno oporezivanje BiH, Državne agencije za istrage i zaštitu BiH, Agencije za identifikacione dokumente, evidenciju i razmjenu podataka BiH, Visokog sudskog i tužilačkog vijeća BiH i Tužilaštva BiH, da svaka institucija pristupi izradi zasebnih „Programa aktivnosti i mjera na provedbi preporuka finansijske revizije za 2016. godinu”, u cilju prevazilaženja nedostataka u poslovanju prezentiranih u revizorskom izvještaju za 2016. godinu, te pristupi poduzimanju mjera kojim će se zapriječiti ponavljanje identičnih nalaza revizije u narednim izvještajima finansijske revizije.
 - 6.1. Deset zasebnih „Programa aktivnosti i mjera” navedenih u prethodnoj tački (6.) ovih Zaključaka potrebno je javno objaviti najkasnije do kraja februara 2018. godine na internet stranicama svake od navedenih deset institucija zasebno, te da se kopije tih Programa u istom roku dostave Parlamentarnoj skupštini BiH.
7. Potrebno je da svaka od navedenih deset BiH institucija promptno pristupi evidenciji poduzetih aktivnosti i mjera na provedbi preporuka prezentiranih u revizorskom izvještaju za 2016. godinu, te da Parlamentarnoj skupštini BiH dostave popis poduzetih aktivnosti i mjera unesenih u tabele iz **Priloga 2.** ovih Zaključaka (svaka institucija zasebno, prema pripadajućoj tabeli), najkasnije do 1.3.2018. godine.
8. Predstavnički dom Parlamentarne skupštine BiH traži od Ministarstva odbrane BiH, Ministarstva vanjskih poslova BiH, Granične policije BiH, Direkcije za koordinaciju policijskih tijela BiH, Ministarstva sigurnosti BiH, Uprave za indirektno oporezivanje BiH, Državne agencije za istrage i zaštitu BiH, Agencije za identifikacione dokumente, evidenciju i razmjenu podataka BiH, Visokog sudskog i tužilačkog vijeća BiH i Tužilaštva BiH, da svaka institucija zasebno uvrsti preporuke revizije iz Izvještaja finansijske revizije za 2016. godinu u svoje „Godišnje programe rada za 2018. godinu“, sa ciljem selekcije dvije grupe prioriteta: (a) aktivnosti koje je moguće provesti tokom 2018. godine, kao i (b) aktivnosti koje je moguće pokrenuti tokom 2018. godine, te definisanja obje grupe kao planskih aktivnosti unutar svakog zasebnog „Godišnjeg programa rada za 2018. godinu“ za svih deset navedenih institucija.

9. Predstavnički dom Parlamentarne skupštine BiH traži od Vijeća ministara BiH da pripremi prijedlog zakonskog rješenja ili u okviru postojećih rješenja predvidi sankcioniranje rukovodilaca ili ovlaštenih lica onih institucija koje u razumnom roku ne postupaju po preporukama Ureda za reviziju, odnosno ne poduzimaju ni minimalan broj aktivnosti na realizaciji tih preporuka ili o tome ne informiraju, odnosno ne dostavljaju pravovremeno ili nikako podatke Uredu za reviziju i drugim organima koji prate realizaciju revizorskih preporuka ili zaključaka kada se to od njih traži.

10. U cilju kontinuiteta vršenja parlamentarnog nadzora, Komisija za finansije i budžet Predstavničkog doma Parlamentarne skupštine BiH će koristiti tabele iz Priloga 2. ovih Zaključaka za dalje šestomjesečno praćenje progressa na provedbi preporuka revizije date u izvještajima za Ministarstvo odbrane BiH, Ministarstvo vanjskih poslova BiH, Graničnu policiju BiH, Direkciju za koordinaciju policijskih tijela BiH, Ministarstvo sigurnosti BiH, Upravu za indirektno oporezivanje BiH, Državnu agenciju za istrage i zaštitu BiH, Agenciju za identifikacione dokumente, evidenciju i razmjenu podataka BiH, Visoko sudsko i tužilačko vijeće BiH i Tužilaštvo BiH, i o tome će redovno izvještavati Predstavnički dom.

